



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՇԻՐԱԿԻ ՄԱՐԶԻ ՓԱԼՔԻ ԳՅՈՒՂԱԿԱՆ ՀԱՍՏԱՏԵՐԻ ԱՎԱԳԱՆՈՒ**

**ՈՐՈՇՈՒՄ № 14-Ն**

«<20>» մայիսի 2016 թվական

պյուղ Փանիկ

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՇԻՐԱԿԻ ՄԱՐԶԻ ՓԱԼՔԻ ՀԱՄԱՅՆՔԻ ԴԵԿԱՎԱՐԻՆ ԿԻՑ  
ԽՈՐՀՐԴԱԿՑԱԿԱՆ ՄԱՐՄԻՆՆԵՐԻ ՁԵՎԱՎՈՐՄԱՆ ԵՎ ԳՈՐԾՈՒՆԵՈՒԹՅԱՆ ԿԱՐԳԸ ՀԱՍՏԱՏԵԼՈՒ  
ՄԱՍԻՆ**

Ղեկավարվելով «Տեղական ինքնակառավարման մասին» Հայաստանի Հանրապետության օրենքի 16-րդ հոդվածի 1-ին մասի 34-րդ կետի և 54.1-ին հոդվածի 1-ին և 3-րդ մասերի պահանջներով՝ Հայաստանի Հանրապետության Շիրակի մարզի Փանիկի համայնքի ավագանին որոշում է՝

1. Հաստատել Հայաստանի Հանրապետության Շիրակի մարզի Փանիկի համայնքի ղեկավարին կից խորհրդակցական մարմինների ձևավորման և գործոններության կարգը՝ համաձայն հավելվածի:
2. Սույն որոշումն ուժի մեջ է մտնում պաշտոնական հրապարակման օրվան հաջորդող տասներորդ օրը:

**ՀԱՍՏԱՏԵՐ ԱՎԱԳԱՆՈՒ ԱՆԴԱՑՄԵՐ՝**

Կողմ՝ 8

Դեմ՝ 0

Զեռնպահ՝ 0

Արմեն Արևիկյան՝

կողմ՝

Գուրգեն Արևիկյան

կողմ՝

Միհրան Բոյացյան՝

կողմ՝

Դավիթ Մանասյան՝

կողմ՝

Վահան Նազարյան՝

կողմ՝

Մանվել Սալինազարյան՝

կողմ՝

Ամբակում Սեղմարյան՝

կողմ՝

Հովհաննես Մարկոսյան՝

կողմ՝

Փալքի ՀԱՍՏԱՏԵՐ ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՇԻՐԱԿԻ ՄԱՐԶԻ ՓԱԼՔԻ ՀԱՄԱՅՆՔԻ ԱՎԱԳԱՆՈՒ

Հրաշիկ Սալինազարյան



«20 Մայիսի 2016 թվական

պյուղ Փանիկ

Հավելված

Հայաստանի Հանրապետության Շիրակի մարզի  
Փանիկի համայնքի ավագանու  
« 20 » մայիսի 2016 թվականի  
N 14-Ն որոշման

## ԿԱՐԳ

### ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՇԻՐԱԿԻ ՄԱՐԶԻ ՓԱՆԻԿԻ ՀԱՄԱՅՆՔԻ ՂԵԿԱՎԱՐԻՆ ԿԻՑ ԽՈՐՀՐԴԱԿՑԱԿԱՆ ՄԱՐՄԻՆՆԵՐԻ ՁԵՎԱՎՈՐՄԱՆ ԵՎ ԳՈՐԾՈՒՆԵՈՒԹՅԱՆ

#### I.ԸՆԴՀԱՆՈՒՐ ԴՐՈՒՅԹՆԵՐ

- Սույն կարգով սահմանվում են են Հայաստանի Հանրապետության Շիրակի մարզի Փանիկ համայնքի ղեկավարին կից, համայնքի տարածքում հասարակական կարգով գործող խորհրդակցական մարմինների (այսուհետ՝ խորհրդակցական մարմինների) ձևավորման, դրանց գործունեության և այդ մարմիններին անդամակցելու հետ կապված հարաբերությունները և հիմնական պահանջները:
- Սույն կարգի նպատակն է՝ ձևավորել համայնքի ղեկավարին կից, համայնքի տարածքում հասարակական կարգով գործող խորհրդակցական մարմինների ձևավորման և գործունեության հստակ, արդյունավետ մեխանիզմներ՝ ապահովելով փոխադարձ կապն ու համագործակցությունը, մի կողմից, համայնքի քնակչության, քաղաքացիական հասարակության և մասնավոր հատվածի կազմակերպությունների և, մյուս կողմից, համայնքում քաղաքականություն մշակող և որոշում ընդունող տեղական ինքնակառավարման մարմինների միջև:
- Սույն կարգի խնդիրներն են.
  - հստակեցնել խորհրդակցական մարմինների գործունեության նպատակները, խնդիրները և գործառույթները.
  - սահմանել խորհրդակցական մարմինների քանակն ու անվանումները.
  - սահմանել խորհրդակցական մարմինների ձևավորման, անդամների ընտրության մոտեցումները և գործունեության կարգը.
  - հստակեցնել խորհրդակցական մարմինների գործունեությանն առնչվող կողմերի դերերը և գործառույթները.
  - սահմանել այլ մարմինների հետ խորհրդակցական մարմինների հարաբերությունները.
  - սահմանել խորհրդակցական մարմինների գործունեության դադարեցման, սույն կարգով փոփոխությունների և (կամ) լրացումների կատարման մոտեցումները:

## II. ԽՈՐՀՐԴԱԿՅԱԿԱՆ ՄԱՐՄԻՆՆԵՐԸ, ՆՐԱՆՑ ՆՊԱՏԱԿՆԵՐԸ, ԽՆԴԻՐՆԵՐԸ ԵՎ ԳՈՐԾԱՌՈՒՅԹՆԵՐԸ

4. Խորհրդակցական մարմինները համայնքի ղեկավարին կից, հասարակական կարգով գործող մարմիններ են, որոնց միջոցով ապահովվում է համայնքի բնակչության, քաղաքացիական հասարակության և մասնավոր հատվածի կազմակերպությունների ներկայացուցիչների մասնակցությունը համայնքի կառավարմանն ու գարգացմանը: Խորհրդակցական մարմինները, որպես համայնքի բնակչության, քաղաքացիական հասարակության և մասնավոր հատվածի կազմակերպությունների ներկայացուցիչների միավորված խումբ, կարող են խորհրդատվություն, եզրակացություններ և առաջարկություններ ներկայացնել համայնքի ղեկավարին՝ այդպիսով ակտիվ մասնակցություն ունենալով համայնքում քաղաքականությունների մշակման, որոշումների ընդունման և դրանց իրականացման արդյունքների մոնիթորինգի և գնահատման գործընթացներին:

5. Խորհրդակցական մարմինների նպատակն է՝ նպաստել համայնքում տեղական ինքնակառավարման արդյունավետության բարձրացմանը և հասցեականությանը՝ ապահովելով համայնքի բնակչության, քաղաքացիական հասարակության և մասնավոր հատվածի կազմակերպությունների ներկայացուցիչների մասնակցությունը տեղական ինքնակառավարմանը:

6. Խորհրդակցական մարմինների խնդիրներն են.

- 1) Խորհրդատվություն տրամադրել համայնքի ղեկավարին համայնքի գարգացման ուղղությունների վերաբերյալ.
- 2) ապահովել տեղական ինքնակառավարմանը համայնքի բնակչության, քաղաքացիական հասարակության և մասնավոր հատվածի կազմակերպությունների ներկայացուցիչների մասնակցությունն ու նրանց ծայնի հասանելիությունը տեղական ինքնակառավարման մարմիններին.
- 3) իրականացնել հանրային մշտադիտարկում (մոնիթորինգ) տեղական ինքնակառավարման մարմինների գործունեության նկատմամբ:

7. Խորհրդակցական մարմինների ի գործառույթներն են.

- 1) ապահովել համայնքի բնակչության իրազեկությունը տեղական ինքնակառավարման մարմինների գործունեության վերաբերյալ.
- 2) աջակցել և մասնակցել համայնքի գարգացման քառամյա ծրագրի, բյուջեի և այլ ծրագրային փաստաթղթերի մշակման, քննարկման, իրականացման և վերահսկման, մոնիթորինգի, առտիտի և գնահատման աշխատանքներին.
- 3) եզրակացություններ և առաջարկություններ ներկայացնել համայնքի ղեկավարին համայնքին առնչվող կարևորագույն նախաձեռնությունների և նախագծերի վերաբերյալ.
- 4) վերհանել տվյալ ոլորտում հանրային կարևորություն և հնչեղություն ունեցող խնդիրները և դրանց վերաբերյալ առաջարկություններ ներկայացնել համայնքի ղեկավարին.
- 5) ուսումնասիրել և քննարկել համայնքի բնակչության, քաղաքացիական հասարակության և մասնավոր հատվածի կազմակերպությունների ներկայացուցիչների կողմից

- բարձրացված հարցերը և դրանց վերաբերյալ եզրակացություններ և առաջարկություններ ներկայացնել համայնքի ղեկավարին.
- 6) իրականացնել հանրային մշտադիտարկում (մոնիթորինգ) տեղական ինքնակառավարման մարմինների գործունեության նկատմամբ.
  - 7) ապահովել հարթակ, մի կողմից, համայնքի ղեկավարի, աշխատակազմի, համայնքային ենթակայության կազմակերպությունների համար և, մյուս կողմից, համայնքի քնակիչների, քաղաքացիական հասարակության և մասնավոր հատվածի կազմակերպությունների ներկայացուցիչների միջև կայի և երկխոսության համար.
  - 8) աջակցել համայնքում կրնֆիլիկտների կանխարգելմանը, ծագած կրնֆիլիկտների լուծմանը, նպաստել համայնքում առկա հակամարտությունների մեղմմանը.
  - 9) հետևել ԽՄ-ների կողմից ընդունված որոշումների հետագա կատարման ընթացքին.
  - 10) համագործակցել համայնքային աշխատանքային խմբերի և այլ մարմինների հետ.
  - 11) առաջադրել «Համայնքի ակտիվ քնակիչ» խրախոսական մրցանակի թեկնածու:

### **III. ԽՈՐՀՐԴԱԿՑԱԿԱՆ ՄԱՐՄԻՆՆԵՐԻ ՔԱՆԱԿԸ ԵՎ ԱՆՎԱՆՈՒՄՆԵՐԸ**

8. Համայնքի ղեկավարին կից ծևավորվում և գործում են թվով երեք խորհրդակցական մարմիններ: Դրանք են.
  - 1) համայնքի զարգացման քառամյա ծրագրի և տարեկան բյուջեի կառավարման խորհրդակցական մարմիններ.
  - 2) քաղաքաշինության, հոգոգտագործման, տնտեսական ենթակառուցվածքների, կոմունալ տնտեսության, շրջակա միջավայրի պաշտպանության և տրանսպորտի հարցերի խորհրդակցական մարմիններ.
  - 3) կրթության, մշակույթի, երիտասարդության հետ տարվող աշխատանքների, առողջապահության, սպորտի, սոցիալական (այդ թվում՝ երեխաների պաշտպանության) հարցերի խորհրդակցական մարմիններ:

### **IV. ԽՈՐՀՐԴԱԿՑԱԿԱՆ ՄԱՐՄԻՆՆԵՐԻ ԿԱԶՄԸ, ՁԵՎԱՎՈՐՈՒՄԸ, ԱՆԴԱՄՆԵՐԻՆ ՆԵՐԿԱՅԱՑՎՈՂ ՊԱՀԱՆՁՆԵՐԸ, ՆՐԱՆՑ ԹԵԿՆԱԾՈՒՆԵՐԻ ԱՌԱՋԱԴՐՈՒՄԸ, ՆԵՐԿԱՅԱՑՎՈՒՄԸ ԵՎ ՀԱՍՏԱՏՈՒՄԸ**

9. Խորհրդակցական մարմինների ծևավորումը իրականացվում է հետևյալ կարգով.
  - 1) Խորհրդակցական մարմինները կարող են ունենալ մինչև 25 անդամ.
  - 2) Խորհրդակցական մարմինները ծևավորված են համարվում, եթե տվյալ խորհրդակցական մարմինների կազմում ընդգրկված է առնվազն հինգ անդամ.
  - 3) Խորհրդակցական մարմիններ ունեն նախագահ և քարտուղար: Նախագահը և քարտուղարը խորհրդակցական մարմինների անդամ չեն:
10. Խորհրդակցական մարմինների կազմում, իրենց համաձայնությամբ, կարող են ներգրավվել.
  - 1) համայնքի ավագանու մեկից երեք անդամ.
  - 2) համայնքի աշխատակազմի կամ համայնքային ենթակայության կազմակերպությունների մասնագետներ.

- 3) քաղաքացիական հասարակության կազմակերպությունների և խմբերի ներկայացուցիչներ.
- 4) մասնավոր հատվածի կազմակերպությունների և խմբերի ներկայացուցիչներ.
- 5) պետական կառավարման մարմինների՝ համայնքի տարածքում գործող տարածքային ծառայությունների ներկայացուցիչներ.
- 6) համայնքում գործող բազմաթիվ բնակելի շենքերի կառավարման մարմինների (համատիրությունների, հավատարմագրային կամ լիազորագրային կառավարման մարմինների, կոռպերատիվների և այլնի) և (կամ) համայնքի թաղամասերի և բնակավայրերի ներկայացուցիչներ.
- 7) փորձագետներ.
- 8) համայնքի ակտիվ բնակիչներ.
- 9) այլ շահագրգիռ անձիք:
11. Յուրաքանչյուր կազմակերպությունից կամ խմբերից կարող է ներգրավվել մեկ անդամ:
12. Խորհրդակցական մարմինները ձևավորվում են սույն կարգն ընդունելու վերաբերյալ ավագանու որոշումն ուժի մեջ մտնելու օրվանից հետո երկու ամսվա ընթացքում:
13. Խորհրդակցական մարմինները գործում են մինչև համայնքի ղեկավարի պաշտոնավարման ժամկետի ավարտը:
14. Նորընտիր համայնքի ղեկավարի լիազորությունները ստանձնելուց հետո երկու ամսվա ընթացքում ձևավորվում են նոր կազմով ԽՄ-ներ:
15. Խորհրդակցական մարմինների անդամ չեն կարող լինել.
- 1) դատական կարգով անգործունակ կամ սահմանափակ գործունակ ճանաչված անձինք.
- 2) հանցագործության համար դատապարտված անձինք, ովքեր իրենց պատիժը կրում են քրեակատարողական հիմնարկներում.
- 3) զինված ուժերի ժամկետային զինծառայողները:
16. Խորհրդակցական մարմինների անդամների թեկնածուների ներկայացումը և հաստատումը կատարվում է հետևյալ կարգով.
- 1) Խորհրդակցական մարմինների անդամների թեկնածուներին, համայնքի ղեկավարի համապատասխան առաջարկության ներկայացմամբ, հաստատում է համայնքի ավագանին՝ համապատասխան որոշմամբ.
- 2) Խորհրդակցական մարմինների անդամները տվյալ խորհրդակցական մարմնի կազմում ընդգրկվում են մինչև համայնքի ղեկավարի պաշտոնավարման ժամկետի ավարտը.
- 3) համայնքի նորընտիր ղեկավարի լիազորությունները ստանձնելուց հետո նոր կազմով խորհրդակցական մարմինները ձևավորելիս՝ խորհրդակցական մարմինների նախկին անդամներն իրենց համաձայնությամբ կարող են նորից ներկայացվել և ընդգրկվել խորհրդակցական մարմինների կազմում:
17. Խորհրդակցական մարմինների անդամների թեկնածուների առաջադրումը կատարվում է հետևյալ կարգով.
- 1) համայնքի ավագանու անդամի թեկնածուին առաջադրում է համայնքի ավագանին՝ իր որոշմամբ (թեկնածուի համաձայնությամբ).
- 2) համայնքի աշխատակազմի և (կամ) համայնքային ենթակայության կազմակերպությունների մասնագետի թեկնածուին առաջադրում է համայնքի ղեկավարը (թեկնածուի համաձայնությամբ).

- 3) Խորհրդակցական մարմինների մյուս անդամների թեկնածուներին առաջադրում է խորհրդակցական մարմիններ անդամների ընտրության նպատակով համայնքի ղեկավարի կողմից ձևավորված հանձնաժողովը՝ դիմով ներկայացրած անձանց կազմից:
18. Խորհրդակցական մարմինների անդամների (բացառությամբ համայնքի ավագանու անդամի և համայնքի աշխատակազմի և (կամ) համայնքային Ենթակայության կազմակերպությունների մասնագետի) թեկնածուների ընտրությունը կատարվում է հրապարակային հայտարարության հիման վրա դիմումներ ներկայացրած անձանց կազմից: Հայտարարությունը տրվում է սույն կարգն ընդունելու վերաբերյալ ավագանու որոշումն ուժի մեջ մտնելուց հետո 15 օրվա ընթացքում: Հայտարարությունը փակցվում է տեղական ինքնակառավարման նստավայրում, ինչպես նաև այն վայրերում, որոնք հասանելի են համայնքի յուրաքանչյուր մասի բնակչի համար՝ առնվազն մեկ տեղ յուրաքանչյուր երեք հարյուր բնակչի համար: Համայնքի պաշտոնական ինտերնետային (համացանցային) կայքի առկայության դեպքում հայտարարությունը պարտադիր կերպով տեղադրվում է այդ կայքում, ինչպես նաև կարող է տարածվել տեղական զանգվածային լրատվության միջոցներով, տեղական հեռուատատեսությամբ և ժամանակակից հեռահաղորդակցության այլ միջոցներով (հեռախոսազանգերով, կարճ (SMS) հաղորդագրություններով և այլն): Հայտարարության մեջ նշվում է, թե որ խորհրդակցական մարմիններին անդամակցելու համար է կատարվում հրավերը, ովքեր, ինչպես և ինչ ժամկետներում կարող են դիմել: Դիմումի ձևը սահմանված է հավելված 1-ում:
19. Խորհրդակցական մարմինների անդամների (բացառությամբ համայնքի ավագանու անդամի և համայնքապետարանի աշխատակազմի և (կամ) համայնքային Ենթակայության կազմակերպությունների մասնագետի) թեկնածուների ընտրության նպատակով հանձնաժողովի կողմից անց է կացվում հարցազրույց: Հանձնաժողովը նախագահում է համայնքի ղեկավարը: Հանձնաժողովի կազմում կարող են ներգրավվել համայնքապետարանի աշխատակազմի, համայնքային Ենթակայության կազմակերպությունների, քաղաքացիական հասարակության և մասնավոր հատվածի կազմակերպությունների ներկայացուցիչներ: Հանձնաժողովը կարող է ունենալ երեք անդամ՝ ներառյալ նախագահը:
20. Խորհրդակցական մարմինների անդամների (բացառությամբ համայնքի ավագանու անդամի և համայնքի աշխատակազմի և (կամ) համայնքային Ենթակայության կազմակերպությունների մասնագետի) թեկնածուների ընտրության ժամանակ կարող են հաշվի առնվել հետևյալ չափանիշները.
- 1) թեկնածուի կրթական ցենզը.
  - 2) համայնքի բնակչության տարբեր խմբեր ներկայացնող անձանց (կանայք, երիտասարդներ, խոցելի խմբեր, քաղաքացիական հասարակության, մասնավոր հատվածի կազմակերպությունների ներկայացուցիչներ և այլն) ներկայացուցչության ապահովումը.
  - 3) հասարակական կարգով աշխատանքներ կատարելու նախկին փորձը.
  - 4) համայնքի կազմում ընդգրկված բնակավայրերի ներկայացուցչության ապահովումը.
  - 5) հարցազրույցի արդյունքները:

21. Դիմում ներկայացրած այն անձինք, ովքեր չեն ընդգրկվել խորհրդակցական մարմիններից որևէ մեկի կազմում, գրանցվում են դիմում ներկայացրած անձանց ռեզերվում:

22. Խորհրդակցական մարմինների անդամների գործունեությունը այն իրականացնելու ընթացքում հնարավոր է դադարեցվի:

23. Խորհրդակցական մարմնի անդամի գործունեությունը դադարեցվում է, համայնքի ղեկավարի առաջարկության ներկայացմամբ, համայնքի ավագանու որոշմամբ, եթե խորհրդակցական մարմնի անդամը.

1) դիմում է ներկայացրել տվյալ խորհրդակցական մարմնի կազմից դուրս գալու վերաբերյալ.

2) դատական կարգով ճանաչվել է անգործունակ կամ սահմանփակ գործունակ.

3) առկա է նրա նկատմամբ դատարանի օրինական ուժի մեջ մտած մեղադրական դատավճիռ և նա իր պատիժը կրում է քրեակատարողական հիմնարկում.

4) զորակոչվել է ժամկետային գինծառայության.

5) եթե անգամ անընդմեջ, անհարգելի պատճառով չի մասնակցել ԽՄ-ի նիստերի աշխատանքին.

6) մահացել է:

24. Եթե խորհրդակցական մարմնի անդամի գործունեության դադարեցման հետևանքով տվյալ խորհրդակցական մարմնի անդամների թիվը նվազել է հինգից, ապա խորհրդակցական մարմնի նոր անդամի թեկնածուն առաջարկվում է դիմում ներկայացրած անձանց ռեզերվում կամ, եթե դա հնարավոր չէ, ապա 15 օրվա ընթացքում նոր տրված հայտարարության հիման վրա դիմում ներկայացրած անձանց կազմից:

25. Համայնքի ղեկավարը ավագանու առաջիկա նիստին առաջարկություն է ներկայացնում խորհրդակցական մարմնի նոր անդամի թեկնածությունը հաստատելու վերաբերյալ:

26. Եթե տվյալ խորհրդակցական մարմնի անդամ հանդիսացող ավագանու ներկայացուցիչը կամ համայնքի աշխատակազմի կամ համայնքային ներկայացուցիչը դադարեցնում է գործունեությունն իր պաշտոնում, նա կարող է շարունակել անդամակցել խորհրդակցական մարմնի:

27. Խորհրդակցական մարմնի նախագահը համայնքի ղեկավարն է: Համայնքի ղեկավարի բացակայության ժամանակ, խորհրդակցական մարմինների նախագահի գործառույթներն իրականացնում է համայնքի ղեկավարի տեղակալը:

28. Խորհրդակցական մարմնի քարտուղարը համայնքի աշխատակազմի քարտուղարն է կամ նրա կողմից նշանակված համայնքի աշխատակազմի ներկայացուցիչը:

## 7. ԽՈՐՀՐԴԱԿՑԱԿԱՆ ՄԱՐՄԻՆՆԵՐԻ ԳՈՐԾՈՒՆԵՈՒԹՅՈՒՆԸ

29. Խորհրդակցական մարմինների անդամներն իրենց գործունեությունն իրականացնում են անձամբ, հասարակական հիմունքներով:

30. Խորհրդակցական մարմինների գործունեության տեղեկատվական և մասնագիտական ապահովումը կազմակերպում է համայնքի աշխատակազմի քարտուղարը՝ անհրաժեշտության դեպքում, աշխատակազմի քաժինների և համայնքային

կազմակերպությունների համապատասխան մասնագետների ներգրավմամբ և մասնակցությամբ:

31.Համայնքի ղեկավարը անհրաժեշտ պայմաններ է ստեղծում (նիստերի սենյակ, աշխատասենյակ, համակարգիչ, գրասենյակային պարագաներ և այլն) խորհրդակցական մարմինների՝ սույն կարգով նախատեսված գործունեության իրականացման և նիստերի կազմակերպման ու անցկացման համար, ինչպես նաև խորհրդակցական մարմինների գործունեությանը հաշմանդամների, սակավաշարժ խմբերի, կարդալու և լսելու դժվարություններ ունեցող անձանց մասնակցությունն ապահովելու համար:

32.Խորհրդակցական մարմինների նիստերը գումարվում են՝

1) առնվազն երեք ամիսը մեկ անգամ.

2) անհրաժեշտության դեպքում, կարող են հրավիրվել արտահերթ նիստեր:

33.Նիստերը հրավիրում և վարում է խորհրդակցական մարմինների նախագահը:

34.Խորհրդակցական մարմնի նիստի ամսաթիվը որոշում է խորհրդակցական մարմնի նախագահը:

35.Խորհրդակցական մարմնի առաջին նիստը գումարվում է տվյալ խորհրդակցական մարմնի կազմը հաստատելու մասին համայնքի ավագանու որոշումն ուժի մեջ մտնելուց հետո 20 օրվա ընթացքում:

36.Խորհրդակցական մարմինների նիստերը կազմակերպվում և անց են կացվում տեղական ինքնակառավարման նստավայրում կամ համայնքի ղեկավարի որոշմամբ մեկ այլ վայրում:

37.Խորհրդակցական մարմնի նիստի վայրը, ամսաթիվը և քննարկման ենթակա հարցերի օրակարգը հրապարակվում են նիստից առնվազն երկու աշխատանքային օր առաջ: Նշյալ տեղեկատվությունը փակցվում է տեղական ինքնակառավարման մարմնի նստավայրում, ինչպես նաև այն վայրերում, որոնք հասանելի են համայնքի յուրաքանչյուր մասի բնակչի համար՝ առնվազն մեկ տեղ յուրաքանչյուր երեք հարյուր բնակչի համար:

38.Համայնքի պաշտոնական համացանցային կայքի առկայության դեպքում, վերոնշյալ տեղեկատվությունը պարտադիր կերպով տեղադրվում է այդ կայքում, ինչպես նաև կարող է տարածվել տեղական զանգվածային լրատվության միջոցներով, տեղական հեռուստատեսությամբ և ժամանակակից հեռահաղորդակցության այլ միջոցներով (հեռախոսազանգերով, կարճ (SMS) հաղորդագրություններով և այլն):

39.Խորհրդակցական մարմնի նիստն իրավագոր է, եթե նիստին ներկա են խորհրդակցական մարմնի անդամների թվի կեսից ավելին:

40.Եթե կես ժամվա ընթացքում չի ապահովվում տվյալ նիստի իրավագորությունը, կամ նիստին չի ներկայանում խորհրդակցական մարմնի նախագահը և նիստը չի սկսվում, ապա նիստի չկայացման մասին կազմվում է արձանագրություն, որն ստորագրում են խորհրդակցական մարմնի՝ նիստին ներկայացած անդամները:

41.Խորհրդակցական մարմնի նիստը շարունակվում է մինչև օրակարգի սպառումը:

42.Խորհրդակցական մարմինների նիստերը դուրսաց են: Խորհրդակցական մարմնի նիստին կարող են հրավիրվել տվյալ նիստի օրակարգի նախագծում ընդգրկված հարցերին առնչվող անձինք, զանգվածային լրատվամիջոցների ներկայացուցիչներ:

43. Խորհրդակցական մարմնի անդամը խորհրդակցական մարմնի նախագահի կողմից կարող է հեռացվել խորհրդակցական մարմնի նիստից՝ նիստի աշխատանքները խոչընդոտելու դեպքում:

44. Խորհրդակցական մարմնի նիստի օրակարգը սահմանվում և իրականացվում է հետյալ կարգով.

1) Խորհրդակցական մարմնի նիստի օրակարգի նախագիծը կազմում է համայնքի ղեկավարը.

2) Խորհրդակցական մարմնի նիստի օրակարգի նախագիծը ձևավորվում է տվյալ խորհրդակցական մարմնի քարտուղարին նիստից առնվազն հինգ աշխատանքային օր առաջ ներկայացված գրավոր հարցերից: Հարցեր կարող են ներկայացնել նաև խորհրդակցական մարմնի բոլոր անդամները.

3) Խորհրդակցական մարմնի նիստի օրակարգի նախագիծը, ըննարկվող հարցերի վերաբերյալ կից փաստաթյութերը խորհրդակցական մարմնի քարտուղարը ներկայացնում է խորհրդակցական մարմնի անդամներին նիստից առնվազն երկու աշխատանքային օր առաջ:

45. Խորհրդակցական մարմնի նիստի օրակարգի նախագծում նշվում են.

1) Նիստի անցկացման վայրը, ամսաթիվը և ժամը.

2) Ծննարկման ենթակա հարցերը.

3) Ծննարկվող յուրաքանչյուր հարցի գեկուցողի անունը և ազգանունը:

46. Խորհրդակցական մարմնի նիստն սկսվում է խորհրդակցական մարմնի նիստի օրակարգի հաստատումը՝ խորհրդակցական մարմնի նիստին ներկա անդամների ծայների մեծամասնությամբ:

47. Խորհրդակցական մարմինները կազմում և ընդունում են որոշումներ:

48. Խորհրդակցական մարմինների որոշումներն ընդունվում են խորհրդակցական մարմինների եղակացությունների և (կամ) առաջարկությունների ձևով, որոնք ներկայացվում են համայնքի ղեկավարին:

49. Խորհրդակցական մարմնի որոշումը համայնքի ղեկավարի համար կրում են խորհրդատվական բնույթը: Խորհրդակցական մարմինների որոշումների հիման վրա համայնքի ղեկավարը կարող է ընդունել համապատասխան որոշումներ:

50. Խորհրդակցական մարմնի որոշումն ընդունվում է տվյալ նիստին ներկա անդամների ծայների մեծամասնությամբ, իսկ հավասար ծայների առկայության դեպքում վճռորոշ է տվյալ խորհրդակցական մարմնի՝ տարեց անդամի ծայնը:

51. Խորհրդակցական մարմնի յուրաքանչյուր անդամ ունի մեկ ծայնի իրավունք:

52. Խորհրդակցական մարմնի նախագահը ունի խորհրդակցական ծայնի իրավունք:

53. Խորհրդակցական մարմնի որոշման մեջ նշվում են որոշման նախագծին կողմ, դեմ և ձեռնպահ քվեարկած խորհրդակցական մարմնի անդամների անունները և ազգանունները:

54. Խորհրդակցական մարմնի որոշումը ստորագրում են խորհրդակցական մարմնի նիստին ներկա անդամները:

55. Խորհրդակցական մարմինների նիստերի ընթացքում կազմվում են արձանագրություններ:

56.Խորհրդակցական մարմինների նիստերն արձանագրվում են Խորհրդակցական մարմինների քարտուղարի կողմից:

57. Նիստի արձանագրությունը ներառում է.

- 1) Նիստի անցկացման վայրը և ամսաթիվը.
  - 2) Նիստին մասնակցած խորհրդակցական մարմնի անդամների, հրավիրված անձանց անունները և ազգանունները.
  - 3) Նիստի օրակարգը.
  - 4) քննարկված հարցերի, գեկուցումների և ելույթների հիմնական դրույթները.
  - 5) ընդունված որոշումները, դրանց ներկայացման և հրապարակման ձևերը.
  - 6) ընդունված որոշումներին դեմ քվեարկածների հատուկ կարծիքները(եթե այդպիսիք կան):

58.Նիստի արձանագրությանը կցվոյ են տվյալ խորհրդակցական մարմնի քննարկմանը դրված նյութերը, ուստինասիրությունները, լուսանկարները, տեսանյութերը և այլն:

59.Խորհրդակցական մարմինների նիստերի արձանագրությունները ստորագրում է խորհրդակցական մարմինների քարտուղարը: Խորհրդակցական մարմինների նիստերի արձանագրությունները ենթակա են հրապարակման:

## VI. ԽՈՐՀՐԴԱԿՑԱԿԱՆ ՄԱՐՄԻՆՆԵՐԻ ՀԱՄԱԳՈՐԾՎԱԿՑՈՒԹՅՈՒՆ ԱՅԼ ՄԱՐՄԻՆՆԵՐԻ ՀԵՏ

60. Խորհրդակցական մարմինները մշտական կապ են հաստատում և համագործակցում են համայնքի տարածքում գործող այլ մարմինների՝ համայնքի ավագանու հանձնաժողովների, համայնքի աշխատակազմի և համայնքային ենթակայության կազմակերպությունների, քաղաքացիական հասարակության, մասնավոր հատվածի կազմակերպությունների և խմբերի ներկայացուցիչների և շահագործի այլ անձանց հետ:

61. Խորհրդակցական մարմնիերը ուղղակի կապ են հաստատում համայնքային աշխատանքային խմբերի հետ, որոնք կարող են ձևավորվել ըստ համայնքի ղեկավարի՝ օրենքով սահմանված գործունեության բնագավառների (ոլորտների) կամ դրանց խմբերի, ըստ համայնքի կազմում ընդգրկված բնակչավայրերի կամ ըստ համայնքի առանձին թաղամասերի խորհրդակցական մարմինների անդամները կարող են նախաձեռնել նման համայնքային աշխատանքային խմբերի ձևավորումը։ Համայնքային աշխատանքային խմբերի ձևավորումը համայնքի բնակչավայրի կողմից նախաձեռնվելու դեպքում նրանք կարող են այդ մասին տեղեկացնել այն խորհրդակցական մարմինն, որի գործունեության ոլորտին առնչվում են տվյալ համայնքային աշխատանքային խմբերի ձևավորման նպատակները։ Համայնքային աշխատանքային խմբի անդամների կազմը համաձայնեցվում է համայնքի ղեկավարի և համապատասխան խորհրդակցական մարմինի հետ։ Համայնքային աշխատանքային խմբերն իրենց կողմից կատարված աշխատանքների արդյունքները համայնքի ղեկավարին ներկայացնելուց բացի, ներկայացնում են նաև այն խորհրդակցական մարմինն, որին առնչվում են այդ արդյունքները։ Խորհրդակցական մարմինները մեթոդական օգնություն, խորհրդատվություն և տեխնիկական աջակցություն են տրամադրում համայնքային աշխատանքային խմբերին՝ նրանց աշխատանքները նպատակային և արդյունավետ իրականացնելու համար։

## **VII. ԽՈՐՀՐԴԱԿՑԱԿԱՆ ՄԱՐՄԻՆՆԵՐԻ ԳՈՐԾՈՒՆԵՈՒԹՅԱՆ ԴԱԴԱՐԵՑՈՒՄԸ**

- 62.Համայնքում գործող խորհրդակցական մարմինների գործունեությունը դադարեցվում է.
- 1) Երբ լրացել է համայնքի ղեկավարի պաշտոնավարման ժամկետը.
  - 2) Երբ սույն կարգում փոփոխությունների և (կամ) լրացումների արդյունքում փոխվել են խորհրդակցական մարմինների քանակները և (կամ) անվանումները:

## **VIII. ԽՈՐՀՐԴԱԿՑԱԿԱՆ ՄԱՐՄԻՆՆԵՐԻ ԳՈՐԾՈՒՆԵՈՒԹՅԱՆ ԱՌՆՎԱԴ ԿՈՂՄԵՐԻ ՄԻՋԵՎ ԴԵՐԵՐԻ ԵՎ ԳՈՐԾԱՌՈՒՅԹԱՆԵՐԻ ԲԱՇԽՈՒՄԸ**

63.Խորհրդակցական մարմինների գործունեությանն առնչվող՝ համայնքի ավագանու գործառույթներն են.

- 1) համայնքի ղեկավարի ներկայացմամբ, հաստատում է սույն կարգը.
- 2) համայնքի ղեկավարի ներկայացմամբ, փոփոխություններ և (կամ) լրացումներ է կատարում սույն կարգի մեջ կամ դադարեցնում է սույն կարգի գործողությունը.
- 3) համայնքի ղեկավարի առաջարկության ներկայացմամբ, հաստատում է խորհրդակցական մարմինների անդամներին.
- 4) համայնքի ղեկավարի առաջարկության ներկայացմամբ, դադարեցնում է խորհրդակցական մարմինների անդամների գործունեությունը.
- 5) համայնքի ղեկավարի ներկայացմամբ, ծանոթանում է խորհրդակցական մարմինների ուսումնասիրությունների, եզրակացությունների և առաջարկությունների հետ.
- 6) համայնքի ղեկավարի ներկայացմամբ, խորհրդակցական մարմինների եզրակացությունների և առաջարկությունների հիման վրա ընդունում է համապատասխան որոշումներ.
- 7) կարող է համայնքի ղեկավարից պահանջել տեղեկանքներ համայնքի տարածքում գործող խորհրդակցական մարմինների գործունեության վերաբերյալ:

64.Խորհրդակցական մարմինների գործունեությանն առնչվող՝ համայնքի ղեկավարի գործառույթներն են.

- 1) առաջարկություն է ներկայացնում համայնքի ավագանուն՝ համայնքի ղեկավարին կից խորհրդակցական մարմինների ծևավորման և գործունեության կարգը հաստատելու վերաբերյալ.
- 2) առաջարկություն է ներկայացնում համայնքի ավագանուն՝ փոփոխություններ և (կամ) լրացումներ կատարելու սույն կարգում կամ դադարեցնելու դրա գործողությունը.
- 3) ծևավորում է խորհրդակցական մարմինների անդամների ընտրության հանձնաժողով.
- 4) առաջարկություն է ներկայացնում համայնքի ավագանուն խորհրդակցական մարմինների կազմը հաստատելու վերաբերյալ.
- 5) առաջարկություն է ներկայացնում համայնքի ավագանուն խորհրդակցական մարմինների անդամների գործունեությունը դադարեցնելու վերաբերյալ.
- 6) կազմակերպում, ղեկավարում և նախագահում է խորհրդակցական մարմինների գործունեությունը.

- 7) անհրաժեշտ պայմաններ է ստեղծում խորհրդակցական մարմինների՝ սույն կարգով նախատեսված գործունեության իրականացման, նիստերի կազմակերպման ու անցկացման համար.
- 8) հրավիրում և վարում է խորհրդակցական մարմինների նիստերը.
- 9) որոշում է խորհրդակցական մարմինների նիստերին հրավիրվող անձանց կազմը.
- 10) ծևավորում է խորհրդակցական մարմինների նիստերի օրակարգերի նախագծերը.
- 11) ծանոթանում է խորհրդակցական մարմինների ուսումնասիրություններին, եզրակացություններին և առաջարկություններին.
- 12) խորհրդակցական մարմինների եզրակացությունների և առաջարկությունների հիման վրա նախաձեռնում է անհրաժեշտ գործողություններ, ընդունում է որոշումներ կամ առաջարկություններ է ներկայացնում համայնքի ավագանուն համապատասխան որոշումներ ընդունելու համար.
- 13) նախաձեռնում է համայնքային աշխատանքային խմբերի ծևավորումը.
- 14) համաձայնություն է տալիս համայնքի տարածքում ծևավորվող համայնքային աշխատանքային խմբերի կազմի վերաբերյալ:
- 65.Համայնքի ղեկավարի բացակայության ժամանակ՝ համայնքի ղեկավարին, որպես խորհրդակցական մարմնի նախագահի՝ փոխարինում է համայնքի ղեկավարի տեղակալը:
66. Խորհրդակցական մարմինների գործունեությանն առնչվող՝ համայնքի աշխատակազմի քարտուղարի գործառույթներն են.
- 1) կազմակերպում է խորհրդակցական մարմինների գործունեության տեղեկատվական և մասնագիտական ապահովումը, աջակցում է խորհրդակցական մարմինների գործունեությանը, նիստերի կազմակերպմանը և անցկացմանը.
- 2) իրականացնում է խորհրդակցական մարմնի քարտուղարի գործառույթները անձամբ կամ նշանակում է խորհրդակցական մարմնի քարտուղարին:
- 67.Խորհրդակցական մարմնի քարտուղարի գործառույթներն են.
- 1) հարցեր է ընդունում խորհրդակցական մարմինների անդամներից խորհրդակցական մարմինների նիստերի օրակարգերի նախագծերում ընդգրկելու համար.
- 2) ապահովում է խորհրդակցական մարմինների կազմակերպչա-տեխնիկական աշխատանքների իրականացումը.
- 3) ապահովում է խորհրդակցական մարմինների անդամների և նիստերին հրավիրված անձանց իրազեկումը նիստերի անցկացման օրվա, ժամի, վայրի և ըննարկվող հարցերի մասին.
- 4) վարում է խորհրդակցական մարմինների գործավարությունը.
- 5) կազմում և ստորագրում է խորհրդակցական մարմինների նիստերի արձանագրությունները.
- 6) ապահովում է խորհրդակցական մարմինների գործունեության, ընդունված որոշումների հրապարակայնությունը:
68. Խորհրդակցական մարմինների անդամների գործառույթներն են.
- 1) մասնակցում են խորհրդակցական մարմինների նիստերին.
- 2) հարցեր են ներկայացնում խորհրդակցական մարմինների նիստերի օրակարգերի նախագծերում ընդգրկելու համար.
- 3) ներկայացնում են բանավոր կամ գրավոր կարծիք խորհրդակցական մարմինների նիստերի ընթացքում ըննարկվող հարցերի վերաբերյալ.

- 4) մասնակցում են խորհրդակցական մարմինների որոշումների ընդունման քվեարկությանը.
- 5) ստորագրում են խորհրդակցական մարմինների որոշումները.
- 6) ձանոթանում են խորհրդակցական մարմինների նիստերի արձանագրություններին.
- 7) կատարում են խորհրդակցական մարմինների որոշումներից բխող կամ խորհրդակցական մարմինների նախագահի կողմից տրված հանձնարարականներ.
- 8) նախաձեռնում են համայնքային աշխատանքային խմբերի ծևավորումը:

#### **IX.ՍՈՒՅՆ ԿԱՐԳՈՒՄ ՓՈՓՈԽՈՒԹՅՈՒՆՆԵՐԻ ԵՎ (ԿԱՄ) ԼՐԱՑՈՒՄՆԵՐԻ ԿԱՏԱՐՈՒՄԸ, ԳՈՐԾՈՂՈՒԹՅԱՆ ԴԱԴԱՐԵՑՈՒՄԸ**

69. Սույն կարգը վերանայվում է համայնքի ղեկավարի նախաձեռնությամբ: Համայնքի ղեկավարը կարող է առաջարկություններ ներկայացնել համայնքի ավագանուն՝ փոփոխություններ և (կամ) լրացումներ կատարելու սույն կարգում կամ դադարեցնելու դրա գործողությունը:

70. Սույն կարգի մեջ փոփոխությունների և (կամ) լրացումների կատարումը, գործողության դադարեցումը, համայնքի ղեկավարի ներկայացմամբ, իրավասու է կատարել միայն համայնքի ավագանին՝ իր համապատասխան որոշմամբ:

ՓԱՄՓԻ ՀԱՍՏԱՏԵԹ ՇԽԱՆԴԱՐ



*Արմեն Սահակյան*

Հրաժիկ Սահակյան

20 Մայիսի 2016 թվական

պատ Փանիկ